

稼

軒

詞



稼軒長短句卷之七

新荷葉

和趙德莊韻

人已歸來杜鵑欲勸誰歸綠樹如雲等閒  
付與鷺飛兔葵燕麥問劉郎幾度沾衣翠  
屏幽夢覺來水繞山圍有酒重攜小園  
隨意芳菲往日繁華而今物是人非春風  
半面記當年初識崔徽南雲雁少錦書無  
箇因依

稼七

再和前韻

春色如愁行雲帶雨纔歸春意長閒游絲  
盡日低飛閒愁幾許更晚風特地吹衣小  
窗人靜棊聲似解重圍光景難攜任他  
鷓鴣芳菲細數從前不應詩酒皆非知音  
絃斷笑淵明空撫餘徽停盃對影待邀明  
月相依

再題傅巖叟悠然閣

種豆南山零落一頃爲萁歲晚淵明也吟



草盛苗稀風流剗地向尊前采菊題詩悠然忽見此山正繞東籬 千載襟期高情想像當時小閣橫空朝來翠撲人衣是中眞趣問騁懷遊目誰知無心出岫白雲一片孤飛

趙茂嘉趙晉臣和韻見約初秋訪悠然再用韻

物盛還衰眼看春葉秋萁貴賤交情翟公門外人稀酒酣耳熱又何須幽憤裁詩茂林脩竹小園曲逕疎籬 秋以爲期西風黃菊開時拄杖敲門任他顛倒裳衣去年堪笑醉題詩醒後方知而今東望心隨去鳥先飛

稼七

二四印齋

上巳日吳子似謂古今無此詞索賦

曲水流觴賞心樂事良辰蘭蕙光風轉頭天氣送新明昨皓齒看江頭有女如雲折花歸去綺羅陌上芳塵 能幾多春試聽

啼鳥殷勤對景興懷向來哀樂紛紛且題  
醉墨似蘭亭列敘時人後之覽者又將有  
感斯文

徐思上巳乃子似生日因改定

曲水流觴賞心樂事良辰今幾千年風流  
禊事如新明眸皓齒看江頭有女如雲折  
花歸去綺羅陌上芳塵 絲竹紛紛楊花  
飛鳥銜巾爭似羣賢茂林脩竹蘭亭一觴  
一詠亦足以暢敘幽情清歡未了不如留  
住青春

稼七

三四印齋

御街行

無題

闌干四面山無數供望眼朝與暮好風催  
雨過山來吹盡一簾煩暑紗厨如霧簟紋  
如水別有生涼處 冰肌不受鉛華污更  
旒旒眞香聚臨風一曲最妖嬌唱得行雲  
且住藕花都放木犀開後待與乘鸞去

山中問盛復之提幹行期

山城甲子冥冥雨門外青泥路杜鵑只是  
等閑啼莫被他催歸去垂楊不語行人去  
後也會風前絮 情知夢裏尋鵷鷺玉殿  
追班處怕君不飲太愁生不是苦留君住  
白頭笑我年年送客自喚春江渡

祝英臺近

晚春

寶釵分桃葉渡煙柳暗南浦怕上層樓十  
日九風雨斷腸片片飛紅都無人管更誰  
勸啼鶯聲住 鬢邊覩應把花卜歸期才  
簪又重數羅帳燈昏哽咽夢中語是他春  
帶愁來春歸何處却不解帶將愁去

與客飲瓢泉客以泉聲喧靜爲  
問余醉未及盦或者以蟬噪林  
逾靜代對意甚美矣翌日爲賦  
此詞以褒之

水縱橫山遠近拄杖占千頃老眼羞明水  
底看山影試教水動山搖吾生堪笑似此

箇青山無定 一瓢飲人問翁愛飛泉來  
尋箇中靜遠屋聲喧怎做靜中境我眠君  
且歸休維摩方丈待天女散花時問

婆羅門引

別杜叔高叔高長於楚詞

落花時節杜鵑聲裏送君歸未消文字湘  
纍只怕蛟龍雲雨後會渺難期更何人念  
我老大傷悲 已而已而算此意只君知  
記取岐亭買酒雲洞題詩爭如不見纔相  
見便有別離時千里月兩地相思

稼七

五 四印齋

用韻別郭逢道

綠陰啼鳥陽關未徹早催歸歌珠悽斷纍  
纍回首海山何處千里共襟期歎高山流  
水絃斷堪悲 中心悵而似風雨落花知  
更擬停雲君去細和陶詩見君何日待瓊  
林宴罷醉歸時人爭看寶馬來思

用韻畲傅先之時傅宰龍泉歸

龍泉佳處種花滿縣却東歸腰間玉若金

纍須信功名富貴長與少年期悵高山流水古調今悲臥龍暫而算天上有人知最好五十學易三百篇詩男兒事業看一日須有致君時端的了休便尋思

用韻會趙晉臣敷文

不堪鷓鴣早教百草放春歸江頭愁殺吾纍却覺君侯雅句千載共心期便留春甚樂樂了須悲瓊而素而被花惱只鷓知正要千鍾角酒五字裁詩江東日暮道繡斧人去未多時還又要玉殿論思

稼七

六四印齋

趙晉臣敷文張燈甚盛索賦偶憶舊游末章因及之

落星萬點一天寶焰下層霄人間疊作僊鼇最愛金蓮側畔紅粉裊花梢更鳴鼉擊鼓噴玉吹簫曲江畫橋記花月可憐宵想見閒愁未了宿酒纔消東風搖蕩似楊柳十五女兒腰人共柳那箇無聊

千年調

開山徑得石壁因名曰蒼壁事  
出望外意天之所賜邪喜而賦  
左手把青霓右手挾明月吾使豐隆前導  
叫開閶闔周遊上下徑入寥天一覽玄圃  
萬斛泉千丈石 鈞天廣樂燕我瑤之席  
帝飲予觴甚樂賜汝蒼壁璘珣突兀正在  
一邱壑余馬懷僕夫悲下恍惚

庶菴小閣名曰卮言作此詞以  
嘲之

稼七

七 四印齋

卮酒向人時和氣先傾倒最要然然可  
萬事稱好滑稽坐上更對鴟夷笑寒與熱  
總隨人甘國老 少年使酒出口人嫌拘  
此箇和合道理近日方曉學人言語未會  
十分巧看他門得人憐秦吉了

粉蝶兒

和趙晉臣敷文賦落梅

昨日春如十三女兒學繡一枝枝不教花  
瘦甚無情便下得雨僂風慙向園林鋪作

地衣紅纒 而今春似輕薄蕩子難久記  
前時送春歸後把春波都釀作一江醇酎  
約清愁楊柳岸邊相候

千秋歲

金陵壽史帥致道時有版築役  
塞垣秋草又報平安好尊俎上英雄表金  
湯生氣象珠玉霏譚笑春近也梅花得似  
人難老 莫惜金尊倒鳳詔看看看到留不  
住江東小從容帷幄去整頓乾坤了千百  
歲從今盡是中書考

稼七

八四印齋

江神子

和人韻

曠雲殘日弄陰晴晚山明小溪橫枝上綿  
蠻休作斷腸聲但是青山山下路青到處  
總堪行 當年綵筆賦蕪城憶平生若爲  
情試把靈槎歸路問君平花底夜深寒較  
甚須拚却玉山傾

又

梨花著雨晚來晴月朧明淚縱橫繡閣香  
濃深鎖鳳簫聲未必人知春意思還獨自  
遶花行 酒兵昨夜壓愁城太狂生轉關  
情寫盡胸中塊磊未全平却與平章珠玉  
價看醉裏錦囊傾

和陳仁和韻

玉簫聲遠憶驂鸞幾悲歡帶羅寬且對花  
前痛飲莫留殘歸去小窗明月在雲一縷  
玉千竿 吳霜應點鬢雲斑綺窗閒夢連  
環說與東風歸興有無間芳草姑蘇臺下  
路和淚看小屏山

又

寶釵飛鳳鬢驚鸞望重歡水雲寬腸斷新  
來翠被粉香殘待得來時春盡也梅結子  
筍成竿 湘筠簾捲淚痕斑珮聲聞玉垂  
環箇裏柔溫容我老其間却笑平生三羽  
箭何日去定天山

和人韻

稼七

九 四印齋

梅梅柳柳鬪纖穠亂山中爲誰容試著春  
衫依舊怯東風何處踏青人未去呼女伴  
認驕驄兒家門戶幾重重記相逢畫樓  
東明日重來風雨暗殘紅可惜行雲春不  
管裙帶褪鬢雲鬆

博山道中書王氏壁

一川松竹任橫斜有人家被雲遮雪後疎  
梅時見兩三花比著桃源溪上路風景好  
不爭些旗亭有酒徑須賒晚寒咱怎禁  
他醉裏匆匆歸騎自隨車白髮蒼顏吾老  
矣只此地是生涯

聞蟬蛙戲作

簞鋪湘竹帳籠紗醉眠些夢天涯一枕驚  
回水底沸鳴蛙借問喧天成鼓吹良自苦  
爲官哪裏心空喧靜不爭多病維摩意云  
何掃地燒香且看散天花斜日綠陰枝上  
噪還又問是蟬麼

送元濟之歸豫章

亂雲擾擾水潺潺笑溪山幾時閒更覺桃  
源人去隔僊凡

桃源乃王氏酒壚  
與濟之作別處

萬壑千

巖樓外雪瓊作樹玉爲欄倦遊回首且  
加餐短篷寒畫圖間見說嬌顰擁髻待君  
看二月東湖湖上路官柳嫩野梅殘

晉詩人賦梅寄余叔良

暗香橫路雪垂垂晚風吹曉風吹花意爭  
春先出歲寒枝畢竟一年春事了綠太早  
却成遲未應全是雪霜姿欲開時未開

稼七

十四印齋

時粉面朱唇一半點胭脂醉裏謗花花莫  
恨渾冷澹有誰知

別吳子似末寄潘德久

看君人物漢西都過吾廬笑談初便說公  
卿元自要通儒一自梅花開了後長怕說  
賦歸歟而今別恨滿江湖怎消除算何  
如杖屨當時聞早放教疎今代故交新貴  
後渾不寄數行書

侍者請先生賦詞自壽

兩輪屋角走如梭太忙些怎禁他擬倩何  
人天上勸羲娥何似從容來少住傾美酒  
聽高歌人生今古不消磨積教多似塵  
沙未必堅牢剗地實堪嗟莫道長生學不  
得學得後待如何

和李能伯韻呈趙晉臣

五雲高處望西清玉階升棣華築築屋溪  
頭樓觀畫難成長夜笙歌還起問誰放月  
又西沉家傳鴻寶舊知名看長生奉嚴  
宸且把風流水北畫耆英咫尺西風詩酒  
社石鼎句要彌明

青玉案

元夕

東風夜放花千樹更吹落星如雨寶馬雕  
車香滿路鳳簫聲動玉壺光轉一夜魚龍  
舞蛾兒雪柳黃金縷笑語盈盈暗香去  
衆裏尋它千百度驀然迴首那人却在燈  
火闌珊處

感皇恩

滁州壽范倅

春事到清明十分花柳喚得笙歌勸君酒  
酒如春好春色年年依舊青春元不老君  
知否 席上看君竹清松瘦待與青春鬪  
長久三山歸路明日天香襟袖更持金盞  
起爲君壽

又

七十古來稀人人都道不是陰功怎生到

稼七

三 四印齋

松姿雖瘦偏耐雪寒霜曉看君雙鬢底青  
青好 樓雪初晴庭闈嬉笑一醉何妨玉  
壺倒從今康健不用靈丹仙草更看一百  
歲人難老

慶嬾母王恭人七十

七十古來稀未爲希有須是榮華更長久

滿牀靴笏羅列兒孫新婦精神渾似箇西

王母 遙想畫堂兩行紅袖妙舞清歌擁

前後大男小女逐箇出來爲壽一箇一百

歲一盃酒

讀莊子聞朱晦菴卽世

案上數編書非莊卽老會說忘言始知道  
萬言千句不自能忘堪笑今朝梅雨霽青  
天好 一壑一邱輕衫短帽白髮多時故  
人少子雲何在應有立經遺草江河流日  
夜何時了

壽鉛山陳丞及之

富貴不須論公應自有且把新詞祝公壽

稼七

古四印齋

當年僊桂父子同攀希有人言金殿上他  
年又 冠冕在前周公拜手同日催班魯  
公後此時人羨綠鬢朱顏依舊親朋來賀  
喜休辭酒

行香子

三山作

好雨當春要趁歸耕況而今已是清明小  
窗坐地側聽簷聲恨夜來風夜來月夜來  
雲 花絮飄零鷺燕丁甯怕妨儂湖上閒

行天心肯後費甚心情放霎時陰霎時雨  
霎時晴

雲岫破蒼山居客至  
白露園蔬碧水溪魚笑先生釣罷還鋤小  
窗高臥風展殘書看北山移盤谷序朝川  
圖白飯青蒟赤腳長鬚客來時酒盡重  
沽聽風聽雨吾愛吾廬歎苦無心剛自瘦  
此君疎

博山戲呈趙昌甫韓仲止

稼七

五 四印齋

少日嘗聞富不如貧貴不如賤者長存由  
來至樂總屬閒人且飲瓢泉弄秋水看停  
雲歲晚情親老語彌真記前時勸我慙  
勤都休殢酒也莫論文把相牛經種魚法  
教兒孫

雲巖道中

雲岫如簪野漲撥藍向春闌綠醒紅酣青  
裙縞袂兩兩三三把麴生禪玉版局一時  
參拄杖彎環過眼嵌巖岸輕烏白髮鬢

鬢他年來種萬桂千杉聽小綿蠻新格磔  
舊呢喃

一 剪梅

游蔣山呈葉丞相

獨立蒼茫醉不歸日暮天寒歸去來兮探  
梅踏雪幾何時今我來思楊柳依依 白  
石岡頭曲岸西一片閒愁芳草萋萋多情  
山鳥不須啼桃李無言下自成蹊

中秋無月

稼七

去四印齋

憶對中秋丹桂叢花在盃中月在盃中今  
宵樓上一尊同雲溼紗窗雨溼紗窗 渾  
欲乘風問化工路也難通信也難通滿堂  
惟有燭花紅盃且從容歌且從容

踏莎行

庚戌中秋後二夕帶湖篆岡小

酌

夜月樓臺秋香院宇笑吟吟地人來去是  
誰秋到便淒涼當年宋玉悲如許 隨分

盃盤等閒歌舞問他有甚堪悲處思量却  
也有悲時重陽節近多風雨

賦木犀

弄影闌干吹香崑谷枝枝點點黃金粟未  
堪收拾付薰爐窗前且把離騷讀 奴僕  
葵花兒曹金菊一秋風露清涼足傍邊只  
欠箇姮娥分明身在蟾宮宿

賦稼軒集經句

進退存亡行藏用舍小人請學樊須稼衡

稼七

七 四印齋

門之下可棲遲日之夕矣牛羊下 去衛  
靈公遭桓司馬東西南北之人也長沮桀  
溺耦而耕丘何爲是栖栖者

和趙國興知錄韻

吾道悠悠憂心悄悄最無聊處秋光到西  
風林外有啼鴉斜陽山下多衰草 長憶  
商山當年四老塵埃也走咸陽道爲誰書  
到便幡然至今此意無人曉

稼軒長短句卷之七終

稼軒長短句卷之八

定風波

少日春懷似酒濃  
插花走馬醉千鍾  
老去逢春如病酒  
唯有茶甌香篆小  
簾櫳盡殘花  
風未定  
休恨花開元自要  
春風試問春歸誰得見  
飛燕來時相遇夕陽中

大醉歸自葛園  
家人有痛飲之

戒故書于壁

昨夜山翁倒載歸  
兒童應笑醉如泥  
試與

稼八

一四印齋

扶頭渾未醒  
休問夢魂猶在葛家溪  
欲覓醉鄉今古路  
知處溫柔東畔白雲西  
起向綠窗高處看  
題徧劉伶元自有賢妻

用藥名招婺源馬荀仲游雨崑

馬善醫

山路風來草木香  
雨餘涼意到胡牀  
泉石膏盲吾已甚  
多病隄防風月費篇章  
孤負尋常山簡醉  
獨自故應知  
子草玄忙湖海早知身汗漫  
誰伴只甘松竹共淒涼

藥名

仄月高寒水石鄉倚空青碧對禪房白髮  
自憐心似鐵風月史君子細與平章 平  
昔生涯筇竹杖來往却慚沙鳥笑人忙便  
好贖留黃絹句誰賦銀鈎小草晚天涼

施樞密聖與席上賦

春到蓬壺特地晴神仙隊裏相公行翠玉  
相挨呼小字須記笑簪花底是飛瓊 總  
是傾城來一處誰妬誰攜歌舞到園亭柳  
妬腰肢花妬艷聽看流鶯直是妬歌聲

稼八

二四印齋

席上送范先之游建鄴

聽我尊前醉後歌人生無柰別離何但使  
情親千里近須信無情對面是山河 寄  
語石頭城下水居士而今渾不怕風波借  
使未成鷗鷺伴經慣也應學得老漁簑

三山送盧國華提刑約上元重

來

少日猶堪話別離老來怕作送行詩極目

南雲無過雁君看梅花也解寄相思 無  
限江山行未了父老不須和淚看旌旗後  
會丁甯何日是須記春風十里放燈時

用韻時國華置酒歌舞甚盛

莫望中州歎黍離元和盛德要君詩老去  
不堪誰似我歸卧青山活計費尋思 誰  
築詩壇高十丈直上看君斬將更搴旗歌  
舞正濃還有語記取鬚髯不似少年時

自和

稼八

三四印齋

金印纍纍佩陸離河梁更賦斷腸詩莫擁  
旌旗眞箇去何處玉堂元自要論思 且  
約風流三學士同醉春風看試幾槍旗從  
此酒酣明月夜耳熱那邊應是說儂時

賦杜鵑花

百紫千紅過了春杜鵑聲苦不堪聞却解  
啼教春小住風雨空山招得海棠魂 恰  
似蜀宮當日女無數猩猩血染赭羅巾畢  
竟花開誰作主記取大都花屬惜花人

再用韻和趙晉臣敷文

野草閒花不當春杜鵑却是舊知聞  
謾道不如歸去住梅雨石榴花又是離魂  
前殿羣臣深殿女數赭袍一點萬紅巾  
莫問興亡今幾主聽取花前毛羽已羞人

破陣子

爲范南伯壽時南伯爲張南軒  
辟宰盧溪南伯遲遲未行因作

此詞以勉之

稼八

四四印齋

擲地劉郎玉斗挂帆西子扁舟千古風流  
今在此萬里功名莫放休君王三百州  
燕雀豈知鴻鵠貂蟬元出兜鍪却笑盧溪  
如斗大肯把牛刀試手不壽君雙玉甌

爲陳同甫賦壯詞以寄之

醉裏挑燈看劍夢回吹角連營八百里分  
麾下飭五十絃翻塞外聲沙場秋點兵  
馬作的盧飛快弓如霹靂弦驚了却君王  
天下事贏得生前身後名可憐白髮生

贈行

少日春風滿眼而今秋葉辭柯便好消磨  
心下事也憶尋常醉後歌新來白髮多  
明日扶頭顛倒倩誰伴舞婆娑我定思君  
拚瘦損君不思兮可柰何天寒將息呵  
趙晉臣敷文幼女縣主覓詞

菩薩藜中惠眼頽人詩裏娥眉天上人間  
眞福相畫就描成好靨兒行時嬌更遲

勸酒偏他最劣笑時猶有些痴更著十年

稼八

五四印齋

君看取兩國夫人更是誰殷勤秋水詞

峽石道中有懷吳子似縣尉

宿麥畦中雉雛柔桑陌上蠶生騎火須防  
花月暗玉唾長攜綵筆行隔牆人笑聲

莫說弓刀事業依然詩酒功名千載圖中  
今古事萬石溪頭長短亭小塘風浪平時修

圖經築  
亭墩

臨江仙

探梅

老去惜花心已嬾愛梅猶遠江村一枝先  
破玉溪春更無花態度全是雪精神  
向青山餐秀色爲渠著句清新竹根流水  
帶溪雲醉中渾不記歸路月黃昏

醉宿崇福寺寄祐之弟祐之以  
僕醉先歸

莫向空山吹玉笛壯懷酒醒心驚四更霜  
月太寒生被翻紅錦浪酒滿玉壺冰小  
陸未須臨水笑山林我輩鍾情今宵依舊  
醉中行試尋殘菊處中路候淵明

稼八

六四印齋

再用韻送祐之弟歸浮梁

鍾鼎山林都是夢人間寵辱休驚只消閒  
處過平生酒盃秋吸露詩句夜裁冰記  
取小窗風雨夜對牀燈火多情問誰千里  
伴君行曉山眉樣翠秋水鏡般明

又

小靨人憐都惡瘦曲眉天與長顰沉思歡  
事惜腰身枕添離別淚粉落却深勻翠

袖盈盈渾力薄玉笙嫋嫋愁新夕陽依舊  
倚窗塵葉紅苔鬱碧深院斷無人

又

逗曉鶯啼聲呢呢掩關高樹冥冥小渠春  
浪細無聲井床聽夜雨出蘚轆轤青碧  
草旋荒金谷路烏絲重記蘭亭彊扶殘醉  
遶雲屏一枝風露溼花重入疎櫺

卽席和韓南澗韻

風雨催春寒食近平原一片丹青溪頭喚

稼八

七四印齋

渡柳邊行花飛蝴蝶亂桑嫩野蠶生  
野先生閒袖手却尋詩酒功名未知明日  
定陰晴今宵成獨醉却笑衆人醒

爲岳母壽

住世都知菩薩行仙家風骨精神壽如山  
岳福如雲金花湯沐誥竹馬綺羅羣  
願昇平添喜事大家禱祝殷勤明年此地  
慶佳辰一盃千歲酒重拜太夫人

和信守王道夫韻謝其爲壽時

僕作閩憲

記取年年爲壽客只今明月相隨莫教絃  
管便生衣引壺觴自酌須富貴何時入  
手清風詞更好細書白蠶烏絲海山問我  
幾時歸棗瓜如可啖直欲覓安期

又

春色饒君白髮了不妨倚綠偎紅翠鬢催  
喚出房櫳垂肩金縷窄醮甲寶杯濃睡  
起鴛鴦飛燕子門前沙暝泥融畫樓人把  
玉西東舞低花外月唱徹柳邊風

稼八

八四印齋

又

金谷無煙宮樹綠嫩寒生怕春風博山微  
透暝薰籠小樓春色裏幽夢雨聲中別  
浦鯉魚何日到錦書封恨重重海棠花下  
去年逢也應隨分瘦忍淚覓殘紅

戲爲期思簷老壽

手種門前烏桕樹而今千尺蒼蒼田園只  
是舊耕桑盃盤風月夜簫鼓子孫忙七

十五年無事客不妨兩鬢如霜綠窗剗地  
調紅粧更從今日醉三萬六千場

又

手撚黃花無意緒等閒行盡回廊捲簾芳  
桂散餘香枯荷難睡鴨疎雨暗添塘憶  
得舊時攜手處如今水遠山長羅巾浥淚  
別殘粧舊歡新夢裏閒處却思量

和葉仲洽賦羊桃

憶醉三山芳樹下幾曾風韻忘懷黃金顏

稼八

九四印齋

色五花開味如盧橘熟貴似荔枝來聞  
道商山餘四老橘中自釀秋醅試呼名品  
細推排重重香肺腑偏滯聖賢盃

又

冷雁寒雲渠有恨春風自滿余懷更教無  
日不花開未須愁菊盡相次有梅來多  
病近來渾止酒小槽空壓新醅青山卻自  
要安排不須連日醉且進兩三盃

侍者阿錢將行賦錢字以贈之

一自酒情詩興嬾舞裙歌扇闌珊好天良  
夜月團團杜陵真好事留得一錢看 歲  
晚人欺程不識怎教阿堵留連楊花榆筴  
雪漫天從今花影下只看綠苔圓

諸葛元亮席上見和再用韻

夜語南堂新瓦響三更急雨珊珊交情莫  
作碎沙團死生貧富際試向此中看 記  
取他年耆舊傳與君名字牽連清風一枕  
晚涼天覺來還自笑此夢倩誰圓

稼八

十四印齋

壬戌歲生日書懷

六十三年無限事從頭悔恨難追已知六  
十二年非只應今日是後日又尋思 少  
是多非惟有酒何須過後方知從今休似  
去年時病中留客飲醉裏和人詩

再用圓字韻

窄樣金盃教換了房櫳試聽珊珊莫教秋  
扇雪團團古今悲笑事長付後人看 記  
取桔槔春雨後短畦菊艾相連拙於人處

巧於天君看流水地難得正方圓

戲爲山園蒼壁解嘲

莫笑吾家蒼壁小稜層勢欲摩空相知惟  
有主人翁有心雄泰華無意巧玲瓏一天  
作高山誰得料解嘲試倩楊雄君看當日  
仲尼窮從人賢子貢自欲學周公

簪花屢墮戲作

鼓子花開春爛漫荒園無限思量今朝拄  
杖過西鄉急呼桃葉渡爲看牡丹忙不

稼八

十四印齋

管昨宵風雨橫依然紅紫成行白頭陪奉  
少年場一枝簪不住推道帽簷長

又

醉帽吟鞭花不住却招花共商量人生何  
必醉爲鄉從教斟酒淺休更和詩忙  
一斗百篇風月地饒他老子當行從今三萬  
六千場青青頭上髮還作柳絲長

昨日得家報牡丹漸開連日少

雨多晴常年未有僕留龍安蕭

寺諸君亦不果來豈牡丹留不  
住爲可恨耶因取來韻爲牡丹  
下一轉語

祇恐牡丹留不住與春約束分明未開微  
雨半開晴要花開定準又更與花盟  
紫朝來將進酒玉盤盂樣先呈鞞紅似向  
舞腰橫風流人不見錦繡夜間行

又

老去渾身無著處天教只住山林百年光  
景百年心更歡須歎息無病也呻吟  
向浮瓜沉李處清風散髮披襟莫嫌淺後  
更頻斟要他詩句好須是酒盃深

停雲偶作

偶向停雲堂上坐曉猿夜鶴驚猜主人何  
事太塵埃低頭還說向被召又重來  
謝北山山下老殷勤一語佳哉借君竹杖  
與芒鞋徑須從此去深入白雲堆

蝶戀花

和趙景明知縣韻

老去怕尋年少伴  
畫棟珠簾風月無人管  
公子看花朱碧亂  
新詞攪斷相思怨  
涼夜愁腸千百轉  
一雁西風錦字何時遣  
畢竟啼烏才思短  
喚回曉夢天涯遠

和楊濟翁韻首句用卍宗卿書

中語

點檢笙歌多釀酒  
蝴蝶西園暖日明  
花柳醉倒東風眠  
錦書覺來小院重攜手  
可

稼八

三 四 印 齋

惜春殘風雨又收拾  
情懷閒把詩儂憇  
楊柳見人離別後  
腰肢近日和他瘦

繼楊濟翁韻餞范南伯知縣歸

京口

淚眼送君傾似雨  
不折垂楊只倩愁  
隨去有底風光留  
不住煙波萬頃春  
江艣老馬臨流癡  
不渡應惜障泥  
忘了尋春路  
身在稼軒安穩處  
書來不用多行數

席上贈楊濟翁侍兒

小小年華才月半羅幕春風幸自無人見  
剛道羞郎低粉面傍人瞥見回嬌盼 昨  
夜西池陪女伴柳困花慵見說歸來晚勸  
客持觴渾未慣未歌先覺花枝顫

用趙文鼎提舉送李正之提刑

韻送鄭元英

莫向樓頭聽漏點說與行人默默情千萬  
總是離愁無近遠人間兒女空恩怨 錦  
繡心胸冰雪面舊日詩名曾道空梁燕傾

稼八

西四印齋

蓋未償平日願一盃早唱陽關勸

客有燕語鶯啼人乍遠之句用

爲首句

燕語鶯啼人乍遠却恨西園依舊鶯和燕  
笑語十分愁一半翠圍特地春光暖 只  
道書來無過雁不道柔腸近日無腸斷 柄  
玉莫搖湘淚點怕君喚作秋風扇  
衰草斜陽三萬頃不算飄零天外孤鴻影

送祐之弟

幾許淒涼須痛飲行人自向江頭醒 會  
少離多看兩鬢萬縷千絲何況新來病不  
是離愁難整頓被他引惹其他恨

元日立春

誰向椒盤簪綵勝整整韶華爭上春風鬢  
往日不堪重記省爲花常把新春恨 春  
未來時先借問晚恨開遲早又飄零近今  
歲花期消息定只愁風雨無憑準

月下醉書雨巖石浪

稼八

五四印齋

九畹芳菲蘭佩好空谷無人自怨蛾眉巧  
寶瑟泠泠千古調朱絲絃斷知音少 冉  
冉年華吾自老水滿汀洲何處尋芳草喚  
起湘纍歌未了石龍舞罷松風曉

用前韻送人行

意態憨生元自好學畫鴉兒舊日偏他巧  
蜂蝶不禁花引調西園人去春風少 春  
已無情秋又老誰管閒愁千里青青草今  
夜倩簪黃菊了斷腸明日霜天曉

又

洗盡機心隨法喜看取尊前秋思如春意  
誰與先生寬髮齒醉時惟有歌而已 歲  
月何須溪上記千古黃花自有淵明比高  
臥石龍呼不起微風不動天如醉

又

何物能令公怒喜山要人來人要山無意  
恰似哀箏絃下齒千情萬意無時已 自  
要溪堂韓作記今代機雲好語花難比老  
眼狂花空處起銀鈎未見心先醉

稼八

士四印齋

小重山

席上和入韻送李子永提幹

旋製離歌唱未成陽關先畫出柳邊亭中  
年懷抱管絃聲難忘處風月此時情 夜  
雨共誰聽儘教清夢去兩三程商量詩價  
重連城相如老漢殿舊知名

三山與客泛西湖

綠漲連雲翠拂空十分風月處著衰翁垂

楊影斷岸西東君恩重教且種芙蓉  
十里水晶宮有時騎馬去笑兒童殷勤却謝  
打頭風船兒住且醉浪花中

茉莉

倩得薰風染綠衣國香收不起透冰肌畧  
開些箇未多時窗兒外却早被人知越  
惜越嬌癡一枝雲鬢上那人宜莫將他去  
比茶蘼分明是他更韻些兒

南鄉子

稼八

七四印齋

無題

隔戶語春鶯纔掛簾兒斂袂行漸見凌波  
羅襪步盈盈隨笑隨顰百媚生著意聽  
新聲盡是司空自教成今夜酒腸難道窄  
多情莫放紗籠蠟炬明

舟中記夢

欹枕艣聲邊貪聽咿啞聒醉眠夢裏笙歌  
花底去依然翠袖盈盈在眼前別後兩  
眉尖欲說還休夢已闌只記埋冤前夜月

相看不管人愁獨自圓

慶前岡周氏旌表

無處著風光天上飛來詔十行父老歡呼  
童穉舞前岡千載周家孝義鄉草木盡  
芬芳更覺溪頭水也香我道烏頭門側畔  
諸郎準備他年畫錦堂

送趙國宜赴高安戶曹

趙乃茂嘉郎中

之子茂嘉常爲高安幕官題詩甚多

日日老萊衣更解風流蠟鳳嬉膝上放教

稼八

六四印齋

文度去須知要使人看玉樹枝剩記乃  
翁詩綠水紅蓮覓舊題歸騎春衫花滿路  
相期來歲流觴曲水時

登京口北固亭有懷

何處望神州滿眼風光北固樓千古興亡  
多少事悠悠不盡長江滾滾流年少萬  
兜鍪坐斷東南戰未休天下英雄誰敵手  
曹劉生子當如孫仲謀  
稼軒長短句卷之八終

稼軒長短句卷之九

鷓鴣天

離豫章別司馬漢章大監

聚散匆匆不偶然二年歷遍楚山川但將  
痛飲酬風月莫放離歌入管絃小縈綠帶  
點青錢東湖春水碧連天明朝放我東歸  
去後夜相思月滿船

和張子志提舉

別後粧成白髮新空教兒女笑陳人醉尋

稼九

一四印齋

夜雨旗亭酒夢斷東風輦路塵騎驟駢  
箭青雲看公冠佩玉階春忠言句句唐虞  
際便是人間要路津

又

樽俎風流有幾人當年未遇已心親金陵  
種柳歡娛地庾嶺逢梅寂寞濱山樽似海  
筆如神故人南北一般春玉人好把新粧  
樣淡畫眉兒淺注唇

代人賦

晚日寒鴉一片愁柳塘新綠却溫柔若教  
眼底無離恨不信人間有白頭 腸已斷  
淚難收相思重上小紅樓情知已被雲遮  
斷頻倚闌干不自由

又

陌上柔桑破嫩芽東鄰蠶種已生些平岡  
細草鳴黃犢斜日寒林點暮鴉 山遠近  
路橫斜青旗沽酒有人家城中桃李愁風  
雨春在溪頭薺菜花

稼九

又

撲面征塵去路遙香篝漸覺水沉銷山無  
重數週遭碧花不知名分外嬌 人歷歷  
馬蕭蕭旌旗又過小紅橋愁邊剩有相思  
句搖斷吟鞭碧玉稍

又

唱徹陽關淚未乾功名餘事且加餐浮天  
水送無窮樹帶雨雲埋一半山 今古恨  
幾千般只今離合是悲歡江頭未是風波

惡別有人間行路難

鷺湖道中

一榻清風殿影涼  
涓涓流水響回廊  
千章雲木鈞轉叫  
十里溪風穠穉香  
衝急雨趁斜陽  
山圍細路轉微茫  
倦途却被行人笑  
只爲林泉有底忙

鷺湖歸病起作

枕簟溪堂冷欲秋  
斷雲依水晚來收  
紅蓮相倚渾如醉  
白鳥無言定自愁  
書咄咄

稼九

三四印齋

且休休一邱一壑也  
風流不知筋力衰多  
少但覺新來嬾上樓

又

指點齋尊特地開  
風帆莫引酒船回  
方驚共折津頭柳  
却喜重尋嶺上梅  
催月上喚風來  
莫愁瓶罄恥金罍  
只愁畫角樓頭起  
急管哀絃次第催

又

著意尋春嬾便回  
何如信步兩三盃  
山纔

好處行還倦詩未成時雨早去聲催攜竹  
杖更芒鞋朱朱粉粉野蒿開誰家寒食歸  
甯女笑語柔桑陌上來

又

翠木千尋上薜蘿東湖經雨又增波只因  
買得青山好却恨歸來白髮多 明畫燭  
洗金荷主人起舞客齊歌醉中只恨歡娛  
少無柰明朝酒醒何

又

稼九

四 四印齋

困不成眠柰夜何情知歸未轉愁多暗將  
往事思量遍誰把多情惱亂他 些底事  
誤人哪不成真箇不思家嬌癡却妬香香  
睡喚起醒鬆說夢些

鄭守厚卿席上謝余伯山用其

韻

夢斷京華故倦游只今芳草替人愁陽關  
莫作三疊唱越女應須爲我留來看逸韻  
自名流青衫司馬且江州君家兄弟真堪

笑箇箇能修五鳳樓

和人韻有所贈

趁得西風汗漫游見他歌後怎生愁事如  
芳草春長在人似浮雲影不留眉黛斂  
眼波流十年薄倖謾揚州明朝短棹輕衫  
夢只在溪南罨畫樓

徐衡仲撫幹惠琴不受

千丈陰崖百丈溪孤桐枝上鳳偏宜玉香  
落落雖難合橫理庚定自奇

山谷聽摘阮歌云竝

稼九

五四印齋

璧庚庚有橫理

人散後月明時試彈幽憤淚空  
垂不如却付騷人手留和南風解愠詩

用前韻和趙文鼎提舉賦雪

莫上扁舟訪剡溪淺斟低唱正相宜從教  
犬吠千家白且與梅成一段奇香暖處  
酒醒時畫簷玉筍已偷垂笑君解釋春風  
恨倩拂蠻牋只費詩

重九席上

戲馬臺前秋雁飛管絃歌舞更旌旗要知

黃菊清高處不入當年二謝詩 傾白酒  
遶東籬只於陶令有心期明朝九日渾瀟  
灑莫使尊前欠一枝

又

有甚閒愁可皺眉老懷無緒自傷悲百年  
旋逐花陰轉萬事長看鬢髮知 溪上枕  
竹間棋怕尋酒伴嬾吟詩十分筋力誇彊  
健只比年時病起時

送范先之秋試

稼九

六 四印齋

白苧千袍入嫩涼春蠶食葉響迴廊禹門  
已準桃花浪月殿先收桂子香 鵬北海  
鳳朝陽又攜書劔路茫茫明年此日青雲  
上却笑人間舉子忙

又

一夜清霜變鬢絲怕愁剛把酒禁持玉人  
今夜相思不想見頻將翠枕移 眞箇恨  
未多時也應香雪減些兒菱花照面須頻  
記曾道偏宜淺畫眉

送歐陽國瑞入吳中

莫避春陰上馬遲，春來未有不陰時。人情  
輾轉閒中看，客路崎嶇倦後知。梅似雪  
柳如絲，試聽別語慰相思。短篷炊飯鱸魚  
熟，除却松江枉費詩。

又

木落山高一夜霜，北風驅雁又離行。無言  
每覺情懷好不飲，能令興味長頻聚散。  
試思量爲誰春草夢，池塘中年長作東山。  
恨莫遣離歌苦斷腸。

稼九

七

四印齋

席上再用韻

水底明霞十頃光，天教鋪錦襯鴛鴦。最憐  
楊柳如張緒，却笑蓮花似六郎。方竹簟  
小胡牀，晚來消得許多涼。背人白鳥都飛  
去，落日殘鴉更斷腸。

石門道中

山上飛泉萬斛珠，懸崖千丈落鼙鼙。已通  
樵逕行還碍，似有人聲聽却無。閒畧約

遠浮屠溪南修竹有茅廬莫嫌杖屨頻來  
往此地偏宜著老夫

敗棋罰賦梅雨

漠漠輕陰撥不開江南細雨熟黃梅有情  
無意東邊日已怒重驚忽地雷雲柱礎  
水樓臺羅衣費盡博山灰當時一識和羹  
味便道爲霖消息來

黃沙道中卽事

句裏春風正剪裁溪山一片畫圖開輕鷗

稼九

八四印齋

自趁虛船去荒犬還迎野婦回松共竹  
翠成堆要擎殘雪鬪疎梅亂鴉畢竟無才  
思時把瓊瑤蹴下來

元溪不見梅

千丈冰溪百步雷柴門都向水邊開亂雲  
賸帶炊煙去野水閒將日影來黃穿窈窕  
過崔嵬東林試問幾時栽動搖意態雖多  
竹點綴風流却欠梅

戲題村舍

鷄鳴成羣晚未收桑麻長過屋山頭有何  
不可吾方羨要底都無飽便休 新柳樹  
舊沙洲去年溪打那邊流自言此地生兒  
女不嫁余家卽聘周

春日卽事題毛村酒壚

春日平原薺菜花新耕雨後落羣鴉多情  
白髮春無柰晚日青帘酒易賒 閒意態  
細生涯牛欄西畔有桑麻青裙縞袂誰家  
女去趁蠶生看外家

稼九

九四印齋

睡起卽事

水荇參差動綠波一池虵影噤羣蛙因風  
野鶴飢猶舞積雨山梔病不花 名利處  
戰爭多門前蠻觸日干戈不知更有槐安  
國夢覺南柯日未斜

又

石壁虛雲積漸高溪聲遶屋幾週遭自從  
一雨花零落却愛微風草動搖 呼玉友  
薦溪毛殷勤野老苦相邀杖藜忽避行人

去認是翁來却過橋

送元濟之歸豫章

欹枕婆娑兩鬢霜起聽簷溜碎喧江那邊  
玉筯銷啼粉這裏車輪轉別腸 詩酒社  
水雲鄉可堪醉墨幾淋浪畫圖恰似歸家  
夢千里河山寸許長

尋菊花無有戲作

掩鼻人間臭腐場古今惟有酒偏香自從  
來住雲煙畔直到而今歌舞忙 呼老伴

稼九

十四印齋

共秋光黃花何處避重陽要知爛熳開時  
節直待西風一夜霜

席上吳子似諸友見和再用韻

答之

翰墨諸公久擅場胸中書傳許多香都無  
絲竹啣盃樂却有龍蛇落筆忙 閒意思  
老風光酒徒今有幾高陽黃花不怯西風  
冷只怕詩人兩鬢霜

又

自古高人最可嗟只因疎懶取名多居山  
一似庚桑楚種樹真成郭橐駝雲子飯  
水晶瓜林間攜客更烹茶君歸休矣吾忙  
甚要看蜂兒晚趁衙

三山道中

拋却山中詩酒窠却來官府聽笙歌閒愁  
做弄天來大白髮栽埋日許多新劔戟  
舊風波天生子嬾柰子何此身已覺渾無  
事却教兒童莫恁麼

稼九

十一 四印齋

又

點盡蒼苔色欲空竹籬茅舍要詩翁花餘  
歌舞歡娛外詩在經營慘澹中聽軟語  
笑衰容一枝斜墜翠鬟鬆淺顰深笑誰堪  
醉看取瀟然林下風

用前韻賦梅三山梅開時猶有

青葉子時病齒

病繞梅花酒不空齒牙牢在莫欺翁恨無  
飛雪青松畔却放疎花翠葉中冰作骨

玉爲容常年宮額鬢雲鬆直須爛醉燒銀  
燭橫笛難堪一再風

又

桃李漫山過眼空也宜惱損杜陵翁若將  
玉骨冰姿比李蔡爲人在下中尋驛使  
寄芳容壠頭休放馬蹄鬆吾家籬落黃昏  
後剩有西湖處士風

有感

出處從來自不齊後車方載太公歸誰知

稼九

十三四印齋

寂寞空山裏却有高人賦采薇黃菊嫩  
晚香枝一般同是采花時蜂兒辛苦多官  
府蝴蝶花間自在飛

讀淵明詩不能去手戲作小詞

以送之

晚歲躬耕不怨貧隻雞斗酒聚比鄰都無  
晉宋之間事自是羲皇以上人千載後  
百篇存更無一字不清眞若教王謝諸郎  
在未抵柴桑陌上塵

又

髮底青青無限春  
落紅飛雪謾紛紛  
黃花也伴秋光老  
何似尊前見在身  
書萬卷筆如神  
眼看同輩上青雲  
箇中不許兒童會  
只恐功名更逼人

戊午拜復職奉祠之命

老退何曾說著官  
今朝放罪上恩寬  
便支香火眞祠俸  
更綴文書舊殿班  
扶病腳洗衰顏  
快從老病借衣冠  
此身忘世渾容

稼九

三四印齋

易使世相忘却白難

和趙晉臣數文韻

綠鬢都無白髮侵  
醉時拈筆越精神  
愛將蕪語追前事  
更把梅花比那人  
回急雪過行雲  
近時歌舞舊時情  
君侯要識誰輕重  
重看取金盃幾許深

和傅先之提舉賦雪

泉上長吟我獨清  
喜君來共雪爭明  
已驚竝水鷗無色  
更怪行沙蟹有聲  
添爽氣

動雄情奇因六出憶陳平却嫌鳥雀投林  
去觸破當樓雲母屏

博山寺作

不向長安路上行却教山寺厭逢迎  
味無味處求吾樂材不材間過此生  
甯作我豈其卿人間走遍却歸耕  
一松一竹眞朋友山鳥山花好弟兄

不寐

老病那堪歲月侵霎時光景值千金  
一生

稼九

西四印齋

不負溪山債百藥難醫書史淫  
隨巧拙任浮沉人無同處面如心  
不妨舊事從頭記要寫行藏入笑林

其人有客慨然談功名因追念少年

時事戲作

壯歲旌旗擁萬夫錦襜突騎渡江初  
燕兵

夜妮側角切銀胡鞞漢箭朝飛金僕姑  
追

往事歎今吾春風不染白髭鬚  
却將萬字

平戎策換得東家種樹書

祝良顯家牡丹一本百朵

占斷雕欄只一株春風費盡幾工夫天香  
夜染衣猶溼國色朝酣醉未蘇嬌欲語  
巧相扶不妨老幹自扶疎恰如翠幙高堂  
上來看紅衫百子圖

賦牡丹主人以謫花索賦解嘲

翠蓋牙籤數百株楊家姊妹夜游初五花  
結隊香如霧一朵傾城醉未蘇閒小立  
困相扶夜來風雨有情無愁紅慘綠今宵

稼九

圭四印齋

看恰似吳宮教陣圖

再賦

濃紫深黃一畫圖中間更有玉盤盃先栽  
翡翠裝成蓋更點胭脂染透酥香漱灑  
錦模糊主人長得醉工夫莫攜弄玉欄邊  
去羞得花枝一朵無

又

去歲君家把酒盃雪中曾見牡丹開而今  
紙扇薰風裏又見疎枝月下梅歡幾許

醉方回明朝歸路有人催低聲待向他家  
道帶得歌聲滿耳來

壽吳子似縣尉時攝事城中

上已風光好放懷故人猶未看花回茂林  
映帶誰家竹曲水流傳第幾盃 攜錦繡  
寫瓊瑰長年富貴屬多才要知此日生男  
好曾有周公被襪來

寄葉仲洽

是處移花是處開古今興廢幾池臺背人

稼九

六四印齋

翠羽偷魚去抱蘂黃鬚趁蝶來 掀老甕  
撥新醅客來且盡兩三盃日高盤饌供何  
晚市遠魚鮭買未回

登一邱一壑偶成

莫殫春光花下遊便須準備落花愁百年  
雨打風吹却萬事三平二滿休 將擾擾  
付悠悠此生於世百無憂新愁次第相拋  
舍要伴春歸天盡頭

和吳子似山行韻

誰共春光管日華朱朱紛紛野蒿花閒愁  
投老無多子酒病而今較減些 山遠近  
路橫斜正無聊處管絃譁去年醉處猶能  
記細數溪邊第幾家

過峽石用韻答吳子似

歎息頻年廩未高新詞空賀此丘遭遙知  
醉帽時時落見說吟鞭步步搖 乾玉唾  
秃錐毛只今明月費招邀最憐烏鵲南飛  
句不解風流見二喬

稼九

七四印齋

吳子似過秋水

秋水長廊水石間有誰來共聽潺潺羨君  
人物東西晉分我詩名大小山 窮自樂  
晚方閒人間路窄酒盃寬看君不了癡兒  
事又似風流靖長官

和章泉趙昌父

萬事紛紛一笑中淵明把菊對秋風細看  
爽氣今猶在惟有南山一似翁 情味好  
語言工三賢高會古來同誰知止酒停雲

老獨立斜陽數過鴻

瑞鷓鴣

京口有懷山中故人

暮年不賦短長詞和得淵明數首詩君自  
不歸歸甚易今猶未足是何時自偷閒定  
向山中老此意須教鶴輩知聞道只今秋  
水上故人曾榜北山移

京口病中起登連滄觀偶成

聲名少日畏人知老去行藏與願違山草  
舊曾呼遠志故人今有寄當歸問何人可  
覓安心法有客來觀杜德機卻笑使君那  
得似清江萬頃白鷗飛

稼九

六

四印齋

又

膠膠擾擾幾時休一出山來不自由秋水  
觀中山月夜停雲堂下菊花秋首隨緣道  
理應須會過分功名莫彊求先去聲自一身  
愁不了那堪愁上更添愁

乙丑奉祠歸舟次餘干賦

江頭日日打頭風  
憔悴歸來邨曼容  
鄭賈正應求死鼠  
葉公豈是好真龍  
孰居無事陪犀首  
未辦求封遇萬松  
卻笑千年曹孟德  
夢中相對也龍鍾

又

期思溪上日千回  
樟木橋邊酒數盃  
人影不隨流水去  
醉顏重帶少年來  
疎蟬響澗林逾靜  
冷蝶飛輕菊半開  
不是長卿終慢世  
只緣多病又非才

稼九

九四印齋

稼軒長短句卷之九終

稼軒長短句卷之十

玉樓春

席上贈別上饒黃倅

往年龍嵒堂前路路上人誇通判雨去年  
拄杖過瓢泉縣吏垂頭民歎語 學窺聖  
處文章古清到窮時風味苦尊前老淚不  
成行明日送君天上去 龍嵒雨巖堂名通判雨當時民謠吏  
垂頭亦渠攝郡時事

效白樂天體

稼十

一四印齋

少年才把笙歌釀夏日非長秋夜短因他  
老病不相饒把好心情都做嬾 故人別  
後書來勸乍可停盃彊喫飯云何相見酒  
邊時却道達人須引滿

用韻禽葉仲洽

狂歌擊碎村醪釀欲舞還憐衫袖短心如  
溪上釣磯閒身似道旁官堠嬾 山中有  
酒提壺勸好語憐君堪鮓飯至今有句落  
人間渭水秋風黃葉滿 諺云饒如鷓子嬾如埃子

用韻畚吳子似縣尉

君如九醞臺粘醖我似茅柴風味短幾時  
秋水美人來長恐扁舟乘興嬾 高懷自  
飲無人勸馬有青芻奴白飯向來珠履玉  
簪人頗覺斗量車載滿

客有遊山者忘攜具而以詞來

索酒用韻以畚余時以病不往

山行日日妨風雨風雨晴時君不去牆頭

塵滿短轅車門外人行芳草路 城南東

稼十

二四印齋

野應聯句好記琅玕題字處也應竹裏著  
行厨已向甕邊防吏部

再和

人間反覆成雲雨鳧雁江湖來又去十千  
一斗飲中仙一百八盤天上路 舊時楓  
落吳江句今日錦囊無著處看封關外水  
雲侯剩按山中詩酒部

戲賦雲山

何人半夜推山去四面浮雲猜是汝常時

相對兩三峰走遍溪頭無覓處 西風瞥  
起雲橫度忽見東南天一柱老僧拍手笑  
相夸且喜青山依舊住

用韻畲傅巖叟葉仲洽趙國興  
青山不解乘雲去怕有愚公驚著汝人間  
踏地出租錢借使移將無著處 三星昨  
夜光移度妙語來題橋上柱黃花不插滿  
頭歸定倩白雲遮且住

又

稼十

三四印齋

無心雲自來還去元共青山相爾汝霎時  
迎雨障崔嵬雨過却尋歸路處 侵天翠  
竹何曾度遙見屹然星砥柱今朝不管亂  
雲深來伴仙翁山下住

又

瘦筇倦作登高去却怕黃花相爾汝嶺頭  
拭目望龍安更在雲煙遮斷處 思量落  
帽人風度休說當年功紀柱謝公直是愛  
東山畢竟東山留不住

又

風前欲勸春光住春在城南芳草路未隨  
流落水邊花且作飄零泥上絮鏡中已  
覺星星誤人不負春春自負夢回人遠許  
多愁只在梨花風雨處

又

三三兩兩誰家婦聽取鳴禽枝上語提壺  
沽酒已多時婆餅焦時須早去醉中忘  
却來時路借問行人家住處只尋古廟那  
邊行更過溪南烏柏樹

稼十

四 四甲齋

寄題文山鄭元英巢經樓

悠悠莫向文山去要把襟裾牛馬汝遙知  
書帶草邊行正在雀羅門裏住平生插  
架昌黎句不似拾柴東野苦侵天且擬鳳  
凰巢掃地從他鸚鵡舞

樂令謂衛玠人未嘗夢搗薑餐

鐵杵乘車入鼠穴以謂世無是  
事故也余謂世無是事而有是

理樂所謂無猶云有也戲作數語以明之

有無一理誰差別樂合區區猶未達事言  
無處未嘗無試把所無憑理說 伯夷飢  
采西山蕨何異搗齏餐杵鐵仲尼去衛又  
之陳此是乘車穿鼠穴

隱湖戲作

客來底事逢迎晚竹裏鳴禽尋未見日高  
猶苦聖賢中門外誰酣蠻觸戰 多方爲  
渴泉尋徧何日成陰松種滿不辭長向水  
雲來只怕頻頻魚鳥倦

有自九江以石中作觀音像持

送者因以詞賦之

琵琶亭畔多芳草時對香爐峰一笑偶然  
重傷玉溪東不是白頭誰覺老 普陀大  
士神通妙影入石頭光了了看來持獻可  
無言長似慈悲顏色好

乙丑京口奉祠西歸將至仙人

磯

江頭一帶斜陽樹總是六朝人住處悠悠  
興廢不關心惟有沙洲雙白鷺 仙人磯  
下多風雨好卸征帆留不住直須抖擻盡  
塵埃却趁新涼秋水去

鵲橋仙

爲人慶八十席上戲作

朱顏暈酒方瞳點漆閒傍松邊倚杖不須  
更展畫圖看自是箇壽星模樣 今朝盛  
事一盃深勸更把新詞齊唱人間八十最  
風流長貼在兒兒額上

和范先之送祐之弟歸浮梁

小窗風雨從今便憶中夜笑談清軟啼鴉  
衰柳自無聊更管得離人腸斷 詩書事  
業青氈猶在頭上貂蟬會見莫貪風月臥  
江湖道日近長安路遠

壽徐伯熙察院

豸冠風采繡衣聲價曾把經綸少試看看

有詔日邊來便入侍明光殿裏 東君未  
老花明柳媚且引玉船沉醉好將三萬六  
千場自今日從頭數起

己酉山行書所見

松岡避暑茆簷避雨閒去閒來幾度醉扶  
怪石看飛泉又却是前回醒處 東家娶  
婦西家歸女燈火門前笑語釀成千頃稻  
花香夜夜費一天風露

慶岳母八十

稼十

七四印齋

八旬慶會人間盛事齊勸一盃春釀臙脂  
小字點眉間猶記得舊時宮樣 綵衣更  
著功名富貴直過太公以上大家著意記  
新詞遇著箇十年便唱

贈鷺鷥

溪邊白鷺來吾告汝溪裏魚兒堪數主人  
憐汝汝憐魚要物我欣然一處 白沙遠  
浦青泥別渚剩有鰕跳鰕舞聽君飛去飽  
時來看頭上風吹一縷

席上和趙晉臣數文

少年風月少年歌舞老去方知堪羨歎折  
腰五斗賦歸來問走了羊腸幾遍 高車  
駟馬金章紫綬傳語渠儂穩便問東湖帶  
得幾多春且看凌雲筆健

西江月

江行采石岸戲作漁父詞

千丈懸崖削翠一川落日鎔金白鷗來往  
本無心選甚風波一任 別浦魚肥堪噲

稼十

八四印齋

前村酒美重斟千年往事已沉沉閒管興  
亡則甚

壽范南伯知縣

秀骨青松不老新詞玉佩相磨靈槎準擬

泛銀河剩摘天星幾箇

南伯去歲七月生子

奠枕

樓頭風月駐春亭上笙歌留君一醉意如

何金印明年斗大

和楊民瞻賦丹桂韻

宮粉厭塗嬌額濃粧再壓秋花西真人醉

憶仙家飛珮丹霞羽化 十里芬芳未足  
一亭風露先加杏腮桃臉費鉛華終慣秋  
蟾影下

癸丑正月四日三山被召經從  
建安席上和陳安行舍人韻

風月亭危致爽管絃聲脆休催主人只是  
舊情懷錦瑟旁邊須醉 玉殿何曾儂去  
沙堤正要公來看看紅藥又翻階趁取西  
湖春會

稼十

九四印齋

用韻和李兼濟提舉

且對東君痛飲莫教華髮空催瓊瑰千字  
已盈懷消得津頭一醉 休唱陽關別去  
只今鳳詔歸來五雲兩兩望三台已覺精  
神聚會

三山作

貪數明朝重九不知過了中秋人生有得  
許多愁只有黃花如舊 萬象亭中殢酒  
九仙閣上扶頭城鴉喚我醉歸休細雨斜

風時候

夜行黃沙道中

明月別枝驚鵲清風半夜鳴蟬稻花香裏  
說豐年聽取蛙聲一片意七八箇星天外  
兩三點雨山前舊時茆店社林邊路轉溪  
橋忽見

春晚

賸欲讀書已嬾只因多病長閒聽風聽雨  
小窗眠過了春光大半 往事如尋去鳥

稼十

十四印齋

清愁難解連環流鶯不肯入西園喚起畫  
梁飛燕

木樨

金粟如來出世藥宮仙子乘風清香一袖  
意無窮洗盡塵緣千種長爲西風作主  
更居明月光中十分秋意與玲瓏拚却今  
宵無夢

壽祐之弟時新居落成

畫棟新垂簾幙華燈未放笙歌一盃漱灑

泛金波先向太夫人賀 富貴吾應自有  
功名不用渠多 只將綠鬢抵羲娥金印須  
教斗大

遣興

醉裏且貪歡笑要愁那得工夫近來始覺  
古人書信著全無是處 昨夜松邊醉倒  
問松我醉何如只疑松動要來扶以手推  
松曰去

和趙晉臣敷文賦秋水瀑泉

稼十

十四印齋

八萬四千偈后更誰妙語披襟紉蘭結佩  
有同心喚取詩翁來飲 鏤玉裁冰著句  
高山流水知音胸中不受一塵侵却怕靈  
均獨醒

悠然閣

一柱中擎遠碧兩峰旁聳高寒橫陳削盡  
短長山莫把一分增減 我望雲煙目斷  
人言風景天慳被公詩筆盡追還重上層

梯一覽

示兒曹以家事付之

萬事雲煙忽過百年蒲柳先衰而今何事  
最相宜宜醉宜遊宜睡 早趁催科了納  
更量出入收支迺翁依舊管些兒管竹管  
山管水

又

粉面都成醉夢霜髯能幾春秋來時誦我  
伴牢愁一見尊前似舊 詩在陰何側畔

字居羅趙前頭錦囊來往幾時休已遣蛾

眉等候

稼十

三

四印齋

朝中措

醉歸寄祐之弟

籃輿嫋嫋破重岡玉笛兩紅粧這裏都愁  
酒盡那邊正和詩忙 爲誰醉倒爲誰歸  
去都莫思量白水東邊籬落斜陽欲下牛

羊

又

綠萍池沼絮飛忙花入蜜脾香長恹春歸

何處誰知箇裏迷藏 殘雲賸雨些兒意  
思直恁思量不是流鶯驚覺夢中啼損紅  
粧

又

夜深殘月過山房睡覺北窗涼起遶中庭  
獨步一天星斗文章 朝來客話山林鍾  
鼎那處難忘君向沙頭細問白鷗知我行  
藏

爲人壽

稼十

七 四印齋

年年黃菊艷秋風更有拒霜紅黃似舊時  
宮額紅如此日芳容 青青未老尊前要  
看兒輩平戎試釀西江爲壽西江綠水無  
窮

又

年年金蕊艷西風人與菊花同霜鬢經春  
重綠仙姿不飲長紅 焚香度日儘從容  
笑語調兒童一歲一盃爲壽從今更數千  
鍾

九日小集時楊世長將赴南宮  
年年團扇怨秋風愁絕寶盃空山下臥龍  
丰度臺前戲馬英雄而今休也花殘一  
似人老花同莫怪東籬韻減只今丹桂香  
濃

清平樂

博山道中卽事

柳邊飛鞚霧溼征衣重宿鷺窺沙孤影動  
應有魚鰕入夢一川明月疎星浣紗人  
影娉婷笑背行人歸去門前稚子啼聲

稼十

十四印齋

又

茅簷低小溪上青青草醉裏吳音相媚好  
白髮誰家翁媪大兒鋤豆溪東中兒正  
織雞籠最喜小兒亡賴溪頭看剝蓮蓬

獨宿博山王氏菴

遶牀飢鼠蝙蝠翻燈舞屋上松風吹急雨  
破紙窗間自語平生塞北江南歸來華  
髮蒼顏布被秋宵夢覺眼前萬里江山

檢校山園書所見

連雲松竹萬事從今足拄杖東家分社肉  
白酒牀頭初熟西風梨棗山園兒童偷  
把長竿莫遣旁人驚去老夫靜處閒看

又

斷崖松竹竹裏藏冰玉路轉清溪三百曲  
香滿黃昏雪屋行人繫馬疎籬折殘猶  
有高枝留得東風數點只緣嬌嫩春遲

爲兒鐵柱作

稼十

十五 四印齋

靈皇醮罷福祿都來也試引鸛鷓花樹下  
斷了驚驚怕怕從今日日聰明更宜潭  
妹嵩兄看取辛家鐵柱無災無難公卿

木樨

月明秋曉翠蓋團團好碎剪黃金教恁小  
都著葉兒遮了打來休似年時小窗能  
有高低無頓許多香處只消三兩枝兒

再賦

東園向曉陣陣西風好喚起仙人金小小

翠羽玲瓏裝了 一枝枕畔開時羅幃翠  
幙垂低恁地十分遮護打窗早有蜂兒

憶吳江賞木樨

少年痛飲憶向吳江醒明月團團高樹影  
十里水沉煙冷 大都一點宮黃人間直  
恁芳芬怕是秋天風露染教世界都香

壽信守王道夫

此身長健還却功名願枉讀平生三萬卷  
滿酌金盃聽勸 男兒玉帶金魚能消幾

稼十

六四印齋

許詩書料得今宵醉也兩行紅袖爭扶

壽趙民則提刑時新除且素不  
喜飲

詩書萬卷合上明光殿案上文書看未遍  
眉裏陰功早見 十分竹瘦松堅看君自  
是長年若解尊前痛飲精神便是神仙

題上盧橋

清泉犇快不管青山礙十里盤盤平世界  
更著溪山襟帶 古今陵谷茫茫市朝往

往耕桑此地居然形勝似曾小小興亡

又

清詞索笑莫厭銀盃小應是天孫新與巧  
剪恨裁愁句好 有人夢斷關河小窗日  
飲亡何想見重簾不捲淚痕滴盡湘娥

呈趙昌甫時僕以病止酒昌甫  
作詩數篇末及之

雲煙草樹北山南雨溪上行人相背去  
惟有啼鴉一處 門前萬斛春寒梅花可

稼十

七 四印齋

睽摧殘使我長忘酒易要君不作詩難

書王德由主簿扇

溪回沙淺紅杏都開遍鷓鴣不知春水暖  
猶傍垂楊春岸 片帆千里輕船行人想  
見欵眠誰似先生高舉一行白鷺青天

好事近

中秋席上和王路鈞

明月到今宵長是不如人約想見廣寒宮  
殿正雲梳風掠 夜深休更喚笙歌簷頭

雨聲惡不是小山詞就這一場寥索

送李復州致一席上和韻

和淚唱陽關依舊字嬌聲穩回首長安何處怕行人歸晚垂楊折盡只啼鴉把離愁勾引却笑遠山無數被行雲低損

席上和王道夫賦元夕立春

綵勝鬪華燈平把東風吹却喚取雪中明月伴使君行樂紅旗鐵馬響春冰老去此情薄惟有前村梅在倩一枝隨著

稼十

大四印齋

和城中諸友韻

雲氣上林梢畢竟非空非色風景不隨人去到而今留得老無情味到篇章詩債怕人索却笑近來林下有許多詞客

稼軒長短句卷之十終

稼軒長短句卷之十一

菩薩蠻

金陵賞心亭爲葉丞相賦

青山欲共高人語  
聯翩萬馬來  
無數煙雨  
却低回望來  
終不來  
人言頭上髮  
總向愁中白  
拍手笑沙鷗  
一身都是愁

用前韻

錦書誰寄相思語  
天邊數徧飛鴻數  
一夜夢千回  
梅花入夢來  
漲痕紛樹髮  
霜落

稼十一

一四印齋

瀟湘白心事  
莫驚鷗人間  
千萬愁

又

江搖病眼昏如霧  
送愁直到津頭路  
歸念樂天詩  
人生足別離  
雲屏深夜語  
夢到君知否  
玉筯莫偷垂  
斷腸天不知

書江西造口壁

鬱孤臺下清江水中間  
多少行人淚  
西北望長安  
可憐無數山  
青山遮不住  
畢竟東流去  
江晚正愁余  
山深聞鷓鴣

又

西風都是行人恨馬頭漸喜歸期近試上  
小紅樓飛鴻字字愁 闌干閒倚處一帶  
山無數不似遠山橫秋波相共明

又

功名飽聽兒童說看公兩眼明如月萬里  
勒燕然老人書一編 玉階方寸地好趁  
風雲會他日赤松游依然萬戶侯

送祐之弟歸浮梁

稼十一

二四印齋

無情最是江頭柳長條折盡還依舊木葉  
下平湖雁來書有無 雁無書尙可好語  
憑誰和風雨斷腸時小山生桂枝

送鄭守厚卿赴闕

送君直上金鑾殿情知不久須相見一日  
甚三秋愁來不自由 九重天一笑定是  
留中了白髮少經過此時愁奈何

送曹君之莊所

人間歲月堂堂去勸君快上青雲路聖處

一燈傳工夫螢雪邊  
麴生風味惡辜負  
西窗約沙岸片帆開  
寄書無雁來

席上分賦得櫻桃

香浮乳酪玻璃盃  
年年醉裏嘗新慣  
何物比春風  
歌唇一點紅  
江湖清夢斷  
翠籠明光殿  
萬顆瀉輕勻  
低頭愧野人

賦摘阮

阮琴斜挂香羅綬  
玉纖初試琵琶手  
桐葉雨聲乾  
珍珠落玉盤  
朱絃調未慣  
笑倩

稼十一

三四印齋

東風伴莫作別離聲  
且聽雙鳳鳴

雪樓賞牡丹席上用楊民瞻韻

紅牙籤上羣仙格  
翠羅蓋底傾城色  
和雨淚闌干  
沉香亭北看  
東風休放去  
怕有流鶯訴  
試問賞花人  
曉粧勻未勻

和盧國華提刑

旌旗依舊長亭路  
尊前試點鶯花數  
何處捧心顰  
人間別樣春  
功名君自許  
少日聞鷄舞  
詩句到梅花  
春風十萬家

時籍中有放自

便者

贈張鑿道服爲別且令餽河豚  
萬金不換囊中術上鑿元自能鑿國軟語  
到更闌綈袍范叔寒江頭楊柳路馬踏  
春風去快趁兩三杯河豚欲上來

趙晉臣席上

時張菩提葉燈趙茂嘉扶病携歌者

看燈元是菩提葉依然會說菩提法法似  
一燈明須臾千萬燈燈邊花更滿誰把  
空花散說與病維摩而今天女歌

稼十一

四四印齋

題雲巖

游人占卻巖中屋白雲只在檐頭宿嘯鳥  
苦相催夜深歸去來松篁通一徑噤嗔  
山花冷今古幾千年西鄉小有天

重到雲巖戲徐斯遠

君家玉雪花如屋未應山下成三宿啼鳥  
幾曾催西風猶未來山房連石徑雲卧  
衣裳冷倩得李延年清歌送上天

晝眠秋水

葛巾自向滄浪濯朝來漉酒那堪着高樹  
莫鳴蟬晚涼秋水眠竹床能幾尺上有  
華胥國山上咽飛泉夢中琴斷弦

卜算子

尋春作

脩竹翠蘿寒遲日江山暮幽逕無人獨自  
芳此恨知無數只共梅花語嬾逐遊絲  
去著意尋春不肯香香在無尋處

爲人賦荷花

稼十一

五四印齋

紅粉靚梳粧翠蓋低風雨占斷人間六月  
涼明月鴛鴦浦根底藕絲長花裏蓮心  
苦只爲風流有許愁更襯佳人步

聞李正之茶馬卜音

欲行且起行欲坐重來坐坐坐行行有倦  
時更枕閒書卧病是近來身嬾是從前  
我淨掃瓢泉竹樹陰且恁隨緣過

飲酒敗德

盜跖儻名巨孔子如名跖跖聖巨愚直到

今美惡無眞實 簡策寫虛名 螻蟻侵枯  
骨 千古光陰一霎時 且進盃中物

用莊語

一以我爲牛 一以我爲馬 人與之名受不  
辭 善學莊周者 江海任虛舟 風雨從飄  
瓦 醉者乘車墜 不傷全得於天也

漫興

夜雨醉瓜廬 春水行秧馬 檢點田間快活  
人 未有如翁者 掃禿兔毫錐 磨透銅臺  
瓦 誰伴楊雄作 解嘲烏有先生也

稼十一

六四印齋

又

珠玉作泥沙 山谷量牛馬 試上纍纍邱壠  
看 誰是強梁者 水浸淺深簷 山壓高低  
瓦 山水朝來笑 問人翁 早歸來也

又

千古李將軍 奪得胡兒馬 李蔡爲人在下  
中 卻是封侯者 芸草去陳根 篔竹添新  
瓦 萬一朝廷舉 力田舍 我其誰也

用韻會趙晉臣數文趙有真得  
歸方是閒堂

百郡怯登車千里輸流馬乞得膠膠擾擾  
身卻笑區區者野水玉鳴渠急雨珠跳  
瓦一榻清風方是閒真是歸來也

萬里籥浮雲一噴空凡馬歎息曹瞞老驥  
詩伏櫪如公者山鳥呀窺簷野鼠飢翻  
瓦老我癡頑合住山此地菟裘也

稼十一

七四印齋

齒落

剛者不堅牢柔的難摧挫不信張開口角  
看舌在牙先墮已闕兩邊廂又豁中間  
箇說與兒曹莫笑翁狗竇從君過

飲酒成病

一箇去學仙一箇去學佛仙飲千盃醉似  
泥皮骨如金石不飲便康疆佛壽須千  
百八十餘年入涅槃且進盃中物

飲酒不寫書

一飲動連宵一醉長三日廢盡寒温不寫  
書富貴何由得請看塚中人塚似當時  
筆萬札千書只恁休且進盃中物

醜奴兒

醉中有歌此詩以勸酒者聊隲  
括之

晚來雲淡秋光薄落日晴天落日晴天堂  
上風斜畫燭煙從渠去買人間恨字字  
都圓字字都圓腸斷西風十四絃

稼十一

八四印齋

尋常中酒扶頭後歌舞支持歌舞支持誰  
把新詞喚住伊臨岐也有旁人笑笑已  
爭知笑已爭知明月樓空燕子飛

書博山道中壁

煙蕪露麥荒池柳洗雨烘晴洗雨烘晴一  
樣春風幾樣青提壺脫袴催歸去萬恨  
千情萬恨千情各自無聊各自鳴

此生自斷天休問，獨倚危樓。獨倚危樓，不信人間別有愁。君來正是眠時節，君且歸休。君且歸休，說與西風一任秋。

又

少年不識愁滋味，愛上層樓。愛上層樓，爲賦新詞彊說愁。而今識盡愁滋味，欲說還休。欲說還休，卻道天涼好箇秋。

又

近來愁似天來大，誰解相憐。誰解相憐，又把愁來做箇天。都將今古無窮事，放在愁邊。放在愁邊，卻自移家向酒泉。

和鉛山陳簿韻二首

鵝湖山下長亭路，明月臨關。明月臨關，幾陣西風落葉乾。新詞誰解裁冰雪，筆墨生寒。筆墨生寒，會說離愁千萬般。

又

年年索盡梅花笑，疎影黃昏。疎影黃昏，香滿東風月一痕。清詩冷落無人寄，雪豔

冰魂雪豔冰魂浮玉溪頭煙樹村

浣溪沙

未到山前騎馬回風吹雨打已無梅共誰  
消遣兩三盃一似舊時春意思百無是  
處老形骸也曾頭上戴花來

黃沙嶺

寸步人間百尺樓孤城春水一沙鷗天風  
吹樹幾時休突兀趁人山石狼曠隴避  
路野花羞人家平水廟東頭

稼十一

十四印齋

壽內子

壽酒同斟喜有餘朱顏卻對白髭鬚兩人  
百歲恰乘除婚嫁剩添兒女拜平安頻  
拆外家書年年堂上壽星圖

瓢泉偶作

新葺茆簷次第成青山恰對小窗橫去年  
曾共燕經營病卻盃盤甘止酒老依香  
火苦翻經夜來依舊管絃聲

壬子春赴閩憲別瓢泉

細聽春山杜宇啼一聲聲是送行詩朝來  
白鳥背人飛木對鄭子眞崑石卧赴陶元  
亮菊花期而今堪誦北山移

常山道中卽事

北隴田高踏水頻西溪禾早已嘗新隔牆  
沽酒煮纖鱗忽有微涼何處雨更無留  
影霎時雲賣瓜人過竹邊村

偕杜叔高吳子似宿山寺戲作

花向今朝粉面勻柳因何事翠眉顰東風

稼十一

二十四印齋

吹雨細於塵自笑好山如好色只今懷  
樹更懷人間愁閒恨一翻新

歌串如珠箇箇勻被花勾引笑和顰向來  
驚動畫梁塵木莫倚笙歌多樂事相看紅  
紫又拋人舊巢還有燕泥新

又

父老爭言雨水勻眉頭不似去年顰殷勤  
謝卻甌中塵啼鳥有時能勸客小桃無

賴已撩人梨花也作白頭新

別杜叔高

這裏裁詩話別離那邊應是望歸期人言  
心急馬行遲去雁無憑傳錦字春泥抵  
死污人衣海棠過了有茶蘼

席上趙景山提幹賦溪臺和韻

臺倚崩崖玉滅痕青山卻作捧心顰遠林  
煙火幾家村引入滄浪魚得計展成寥  
闊鶴能言幾時高處見層軒

稼十一

又

三 四印齋

妙手都無斧鑿痕飽叅佳處卻成顰恰如  
春入浣花村筆墨今宵光有艷管絃從  
此悄無言主人席次兩肩軒

種松竹未成

草木於人也作疎秋來咫尺異榮枯空山  
歲晚孰華余孤竹君窮猶抱節赤松子  
嫩已生鬚主人相愛肯留無

種梅菊

百世孤芳肯自媒直須詩句與推排不然  
喚近酒邊來 自有陶潛方有菊若無和  
靖卽無梅祇今何處向人開

別澄上人併送性禪師

梅子生時到幾回桃花開後不須猜重來  
松竹意徘徊 慣聽禽聲應可譜飽觀魚  
陣已能排晚風挾雨喚歸來

山花子

答傅崑叟酬春之約

稼十一

三 四 印 齋

艷杏夭桃兩行排莫攜歌舞去相催次第  
未堪供醉眼去年栽 春意纔從梅裏過  
人情都向柳邊來咫尺東家還又有海棠  
開

用韻謝傅崑叟瑞香之惠

句裏明珠字字排多情應也被春催怪得  
名花和淚送雨中栽 赤腳未安芳斛穩  
娥眉早把橘枝來報道錦薰籠底下麝臍  
開

三山戲作

記得瓢泉快活時長年耽酒更吟詩  
驀地捉將來斷送老頭皮  
遶屋人扶行不得  
閒窗學得鷓鴣啼  
卻有杜鵑能勸道不如歸

又

日日閒看燕子飛  
舊巢新壘畫簾低  
玉厓今朝推戊已  
已任啣泥  
先自春光留不住  
那堪更著子規啼  
一陣晚香吹不斷  
落花

溪

稼十一

西四印齋

與客賞山茶一朵忽墮地戲作  
酒面低迷翠被重  
黃昏院落月朦朧  
墮鬢啼粧孫壽醉泥秦宮  
試問花留春幾日  
畧無人管  
雨和風瞥向綠珠樓下見  
墜殘紅

簡傅崑叟

總把平生入醉鄉  
大都三萬六千場  
今古悠悠多少事  
莫思量  
微有些寒春雨好

更無尋處野花香  
去年來還又笑燕飛忙

用前韻謝傅昂叟餽名花鮮葦  
楊柳溫柔是故鄉  
紛紛蜂蝶去年場  
大率一春風雨事最難量  
滿把攜來紅粉面  
堆盤更覺紫芝香  
幸自麴生閒去了  
又教

忙纔止酒

病起獨坐停雲

彊欲加餐竟未佳  
只宜長伴病僧齋  
心似風吹香篆過也無灰  
山下朝來雲出岫  
隨風一去未曾回  
次第前村行雨了  
合歸來

稼十一

五 四印齋

虞美人

賦荼蘼

羣花泣盡朝來露  
爭怨春歸去  
不知庭下有荼蘼  
偷得十分春色  
怕春知  
淡中有味  
清中貴  
飛絮殘紅避露華  
微浸玉肌香  
恰似楊妃初試出蘭湯

壽趙文鼎提舉

翠屏羅幙遮前後舞袖翻長壽紫髯冠佩  
御爐香看取明年歸奉萬年觴 今宵池  
上蟠桃席咫尺長安日寶煙飛焰萬花濃  
試看中間白鶴駕仙風

用前韻

一盃莫落他人後富貴功名壽胸中書傳  
有餘香寫得蘭亭小字記流觴 問誰分  
我漁樵席江海消閒日看看天上拜恩濃  
卻怕畫樓無處著春風

稼十一

六 四印齋

賦虞美人草

當年得意如芳草日日春風好拔山力盡  
忽悲歌飲罷虞兮從此柰君何 人間不  
識精誠苦貪看青青舞舞驀然斂袂卻亭亭  
怕是曲中猶帶楚歌聲

浪淘沙

山寺夜半聞鐘

身世酒盃中萬事皆空古來三五箇英雄

雨打風吹何處是漢殿秦宮  
夢入少年叢歌舞匆匆老僧夜半誤鳴鐘驚起西窗  
眠不得捲地西風

賦虞美人草

不肯過江東玉帳匆匆只今草木憶英雄  
唱著虞兮當日曲便舞春風兒女此情  
同往事朦朧湘娥竹上淚痕濃舜蓋重瞳  
堪痛恨羽又重瞳

送吳子似縣尉

稼十一

七  
四印齋

金玉舊情懷風月追陪扁舟千里興佳哉  
不似子猷行半路卻棹船回來歲菊花  
開記我清盃西風雁雁過瑱山臺把似倩他  
書不到好與同來  
減字木蘭花  
宿僧房有作

僧窗夜雨茶鼎熏爐宜小住卻恨春風勾  
引詩來惱殺翁狂歌未可且把一尊料  
理我我到亡何卻聽儂家陌上歌

昨朝官告一百五年村父老更莫驚疑剛  
道人生七十稀 使君喜見恰限華堂開  
壽宴問壽如何百代兒孫擁太婆

長沙道中壁上有婦人題字若  
有恨者用其意為賦

盈盈淚眼往日青樓天樣遠秋月春花輪  
與尋常姊妹家 水村山驛日莫行雲無  
氣力錦字偷裁立盡西風雁不來

稼十一

四印齋

稼軒長短句卷之十一終

稼軒長短句卷之十二

南歌子

山中夜坐

世事從頭減，秋懷徹底清。夜深猶送枕邊聲。  
試問清溪底事，未能平。月到愁邊白，雞先遠處鳴。  
是中無有利和名。因甚山前未曉有人行。

獨坐蔗菴

立入參同契，禪依不二門。細看斜日隙中

稼十二

一四印齋

塵始覺，人間何處不紛紛。病笑春先到，閒知嬾是真。  
百般啼鳥苦撩人，除却提壺此外不堪聞。

新開池戲作

散髮披襟處，浮瓜沉李杯。涓涓流水細侵階。  
鑿箇池兒，喚箇月兒來。畫棟頻搖動，紅蕖盡倒開。  
鬪勻紅粉照香腮。有箇人，把做鏡兒猜。

醉太平

春晚

態濃意遠眉顰笑淺薄羅衣窄絮風軟鬢  
雲欺翠捲南園花樹春光暖紅香徑裏  
榆錢滿欲上鞦韆又驚嬾且歸休怕晚

漁家傲

爲余伯熙察院壽信之讖云水  
打烏龜石三台出此時伯熙舊  
居城西直龜山之北溪水齧山  
足矣意伯熙當之耶伯熙學道  
稼十二  
二四印齋  
有新功一日語余云溪上嘗得  
異石有文隱然如記姓名且有  
長生等字余未之見也因其生

朝姑撫二事爲詞以壽之

道德文章傳幾世到君合上三台位自是  
君家門戶事當此際龜山正抱西江水  
三萬六千排日醉鬢毛只恁青青地江裏  
石頭爭獻瑞分明是中間有箇長生字

錦帳春

席上和杜叔高

春色難留酒盃常淺更舊恨新愁相間五  
更風千里夢看飛紅幾片這般庭院 幾  
許風流幾般嬌嬾問相見何如不見燕飛  
忙鶯語亂恨重簾不捲翠屏平遠

太常引

建康中秋夜爲呂潛叔賦

一輪秋影轉金波飛鏡又重磨把酒問姮  
娥被白髮欺人柰何 乘風好去長空萬  
里直下看山河斫去桂婆娑人道是清光  
更多

稼十二

三四印齋

壽韓南澗尙書

君王著意履聲間便合押紫宸班今代又  
尊韓道吏部文章泰山一盃千歲問公  
何事早伴赤松閒功業後來看似江左風  
流謝安

賦十四絃

仙機似欲織織羅髻鬢度金梭無柰玉纖

何却彈作清商恨多 珠簾影裏如花半  
面絕勝隔簾歌世路苦風波且痛飲公無  
渡河

壽趙晉臣敷文

論公耆德舊宗英吳季子百餘齡奉使老  
於行更看舞聽歌最精 須同衛武九十  
入相萊竹自青青富貴出長生記門外清  
溪姓彭彭溪晉  
臣居也

東坡引

稼十二

四四印齋

閨怨

玉纖彈舊怨還敲繡屏面清歌目送西風  
雁雁行吹字斷雁行吹字斷 夜深拜月  
瑣窗西畔但桂影空階滿翠帷自掩無人  
見羅衣寬一半羅衣寬一半

又

君如梁上燕妾如手中扇團團青影雙雙  
伴秋來腸欲斷秋來腸欲斷 黃昏淚眼  
青山隔岸但咫尺如天遠病來只謝傍人

勸龍華三會願龍華三會願

又

花稍紅未足條破驚新綠重簾下徧闌干  
曲有人春睡熟有人春睡熟一鳴禽破夢  
雲偏蹙起來香腮褪紅玉花時愛與愁相  
續羅裙過半幅羅裙過半幅

夜遊宮

苦俗客

幾箇相知可喜才厮見說山說水顛倒爛  
熟只這是怎柰向一回說一回美有箇  
尖新底說底話非名卽利說的口乾罪過  
你且不罪俺畧起去洗耳

稼十二

五

四印齋

戀繡衾

無題

長夜偏冷添被兒枕頭兒移了又移我自  
是笑別人底却元來當局者迷如今只  
恨因緣淺也不會抵死恨伊合手下安排  
了那筵席須有散時

杏花天

無題

病來自是於春嬾但別院笙歌一片蛛絲  
網遍玻璃盞更問舞裙歌扇有多少鶯  
愁蝶怨甚夢裏春歸不管楊花也笑人情  
淺故故沾衣撲面

又

牡丹昨夜方開徧畢竟是今年春晚荼蘼  
付與薰風管燕子忙時鶯嬾多病起日

稼十二

六四印齋

長人倦不待得酒闌歌散甫能得見茶甌  
面却早安排腸斷

嘲牡丹

牡丹比得誰顏色似宮中太眞第一漁陽  
鼙鼓邊風急人在沉香亭北買裁池館  
多何益莫虛把千金拋擲若教解語應傾  
國一箇西施也得

唐河傳

做花間體

春水千里孤舟浪起夢攜西子覺來村巷  
夕陽斜幾家短牆紅杏花 晚雲做造些  
兒雨折花去岸上誰家女太狂顛那邊柳  
綿被風吹上天

醉花陰

爲人壽

黃花謾說年年好也趁秋光老綠鬢不驚  
秋若鬪尊前人好花堪笑 蟠桃結子知  
多少家住三山島何日跨飛鸞滄海飛塵

稼十二

七 四印齋

人世因緣了

品令

族姑慶八十來索俳語

更休說便是箇住世觀音菩薩甚今年容  
貌八十歲見底道纔十八 莫獻壽星香  
燭莫祝靈椿龜鶴只消得把筆輕輕去十  
字上添一撇

惜分飛

春水千里春思

翡翠樓前芳草路寶馬墜鞭暫駐最是周  
郎顧幾度歌聲誤望斷碧雲空日暮流  
水桃源何處聞道春歸去更無人管飄紅  
雨

柳梢青

和范先之席上賦牡丹

姚魏名流年年攪斷雨恨風愁解釋春光  
剩須破費酒令詩籌玉肌紅粉溫柔更

染盡天香未休今夜簪花他年第一玉殿

稼十二

入四印齋

東頭

三山歸途代白鷗見嘲

白鳥相迎相憐相笑滿面塵埃華髮蒼顏  
去時曾勸聞早歸來而今豈是高懷爲  
千里蓴羹計哉好把移文從今日日讀取  
千回

辛酉生日前兩日夢一道士話

長年之術夢中痛以理折之覺

而賦八難之辭

莫鍊丹難黃河可塞金可成難休辟穀難  
吸風飲露長忍飢難 勸君莫遠遊難何  
處有西王母難休采藥難人沉下土我上  
天難

河瀆神

女城祠効花間體

芳草綠萋萋斷腸絕浦相思山頭人望翠  
雲旗蕙肴桂酒君歸 惆悵畫簷雙燕舞

東風吹散靈雨香火冷殘簫鼓斜陽門外

稼十二

九四印齋

今古

武陵春

春興

桃李風前多嫵媚楊柳更溫柔喚取笙歌  
爛熳遊且莫管閒愁 好趁晴時連夜賞  
雨便一春休草草盃盤不要收纔晚又扶  
頭

走去走來三百里五日以爲期六日歸時

已是疑應是望多時  
鞭箇馬兒歸去也  
心急馬行遲不免相煩喜鵲兒先報那人  
知

謁金門

無題

遮素月雲外金蛇明滅翻樹啼鴉聲未徹  
雨聲驚落葉  
寶炬成行嫌熱玉腕藕絲  
誰雪流水高山絃斷絕怒蛙聲自咽

又

稼十二

十四印齋

山吐月晝燭從教風滅一曲瑤琴纔聽徹  
金蕉三兩葉  
驟雨微涼還熱似欠舞瓊  
歌雪近日醉鄉音問絕有時清淚咽

又

歸去未風雨送春行李一枕離愁頭徹尾  
如何消遣是  
遙想歸舟天際綠鬢瓏璵  
慵理好夢未成鷺喚起粉香猶有殢

酒泉子

無題

流水無情潮到空城頭盡白離歌一曲怨  
殘陽斷人腸東風官柳舞雕牆三十六  
宮花濺淚春聲何處說興亡燕雙雙

霜天曉角

旅興

吳頭楚尾一棹人千里休說舊愁新恨長  
亭樹今如此宦游吾倦矣玉人留我醉  
明日落花寒食得且住爲佳耳

又

稼十二

十四印齋

暮山層碧掠岸西風急一葉軟紅深處應  
不是利名客玉人還佇立綠窗生怨泣  
萬里衡陽歸恨先倩雁寄消息

點絳脣

留博山寺聞光風主人微恙而  
歸時春漲斷橋

隱隱輕雷雨聲不受春回護落梅如許吹  
盡牆邊去春水無情礙斷溪南路憑誰  
訴寄聲傳語沒箇人知處

又

身後虛名古來不換生前醉青鞋自喜不  
踏長安市 竹外僧歸路指霜鍾寺孤鴻  
起丹青手裏剪破松江水

生查子

山行寄楊民瞻

昨宵醉裏行山吐三更月不見可憐人一  
夜頭如雪 今宵醉裏歸明月關山笛收  
拾錦囊詩要寄楊雄宅

稼十二

十三 四印齋

民瞻見和再用韻

誰傾滄海珠簌弄千明月喚取酒邊來軟  
語裁春雪 人間無鳳凰空費穿雲笛醉  
裏却歸來松菊陶潛宅

生有覓詞者爲賦

去年燕子來繡戶深深處花徑得泥歸都  
把琴書污 今年燕子來誰聽呢喃語不  
見捲簾人一陣黃昏雨

獨遊雨巖

溪邊照影行天在清溪底天上有行雲人  
在行雲裏來高歌誰和余空谷清音起非  
鬼亦非僊一曲桃花水文春雲

青山招不來偃蹇誰憐汝歲晚太寒生喚  
我溪邊住山頭明月來本在天高處夜  
夜入清溪聽讀離騷去

又

青山非不佳未解留儂住赤腳踏層冰爲

稼十二

三 四印齋

愛青溪故朝來山鳥啼勸上山高處裁  
意不關渠自在尋詩去

簡吳子似縣尉

高人千丈崖太古儲冰雪六月火雲時一  
見森毛髮俗人如盜泉照影都昏濁高  
處掛吾瓢不飲吾甯渴

和趙晉臣敷文春雪

漫天春雪來纔抵梅花半最愛雪邊人楚  
些裁成亂雪兒偏解歌只要金盃滿誰

道雪天寒翠袖闌干暖

又

梅子褪花時直與黃梅接煙雨幾曾開一  
春江裏活 富貴使人忙也有閒時節莫  
作路旁花長教人看殺

題京口郡治塵表亭

悠悠萬世功矻矻當年苦魚自入深淵人  
自居平土 紅日又西沉白浪長東去不  
是望金山我自思量禹

稼十二

古四印齋

尋芳草

嘲陳莘叟憶內

有得許多淚更閒卻許多鴛被枕頭兒放  
處都不是舊家時怎生睡 更也沒書來  
那堪被雁兒調戲道無書卻有書中意排  
幾箇人人字

阮郎歸

耒陽道中爲張處父推官賦

山前燈火欲黃昏山頭來去雲鷓鴣聲裏

數家村瀟湘逢故人  
揮羽扇整綸巾  
少年鞍馬塵如今  
憔悴賦招魂  
儒冠多誤身

昭君怨

豫章寄張守定叟

長記瀟湘秋晚  
歌舞橘洲人  
散走馬月明  
中折芙蓉  
今日西山南浦  
畫棟珠簾雲  
雨風景不爭多  
柰愁何

送晁楚老遊荆門

夜雨剪殘春  
韭明日重斟別酒  
君去問曹

稼十二

圭四印齋

瞞好公安  
試看如今白髮  
却爲中年離  
別風雨正崔嵬  
早歸來

又

人面不如花面  
花到開時重見  
獨倚小闌  
干許多山  
落葉西風時候  
人共青山都  
瘦說到夢陽臺  
幾曾來

烏夜啼

平遠黑山行約范先之不至

江頭醉倒山公  
月明中記得  
昨宵歸路笑

兒童溪欲轉山已斷兩三松一段可憐  
風月欠詩翁

先之見和復用韻

人言我不如公酒盃中更把平生湖海問  
兒童千尺蔓雲葉亂繫長松却笑一身  
纏繞似衰翁

又

晚花露葉風條燕燕高行過長廊西畔小  
紅橋歌再唱人再舞酒纔消更把一盃

稼十二

六四印齋

重勸摘櫻桃

一絡索

閨思

羞見鑑鸞孤却倩人梳掠一春長是爲花  
愁甚夜夜東風惡乘行遶翠簾珠箔錦牋  
誰託玉觴淚滿却停觴怕酒似郎情薄

信守王道夫席上用趙遶夫賦

金林檎韻

錦帳如雲處高不知重數夜深銀燭淚成

行算都把心期付 莫待燕飛泥污問花  
花訴不知花定有情無似却怕新詞妬

如夢令

賦梁燕

燕子幾曾歸去只在翠巖深處重到畫梁  
間誰與舊巢爲主深許深許聞道鳳凰來  
住

憶王孫

秋江送別集古句

稼十二

七四印齋

登山臨水送將歸悲莫悲兮生別離不用  
登臨怨落暉昔人非惟有年年秋雁飛

大德己亥中呂月刊畢于廣信  
書院後學孫粹然同職張公俊

稼軒長短句卷之十二終

余素不解詞而所藏宋元諸名家詞獨富如汲古閣珍藏秘本書目中所載原稿皆在焉然皆精抄舊抄而無有宋元槧本頃從郡故家得此元刻稼軒詞而歎其珍秘無匹也稼軒詞卷帙多寡不同以此十二卷者爲最善毛氏亦從此抄出惜其行款體例有不同耳澗蕢據毛抄以增補闕葉非憑空撰出者可比而洞仙歌中缺一字抄本亦無因以墨釘識之其十一卷中四

跋

一四印齋

之五一葉亦卽是卷七之八一葉之例非文有脫落而故強就之也是書得此補足幾還舊觀至于是書精刻純乎元人松雪翁書而俗子不知妄爲描寫可謂浮雲之汗甚至強作解事校改原文如卷十中爲人慶八十席上戲作有云人間八十最風流長貼在兒兒額上校者云下兒字當作孫澗蕢以爲兒兒或是奴家之稱二語之意當以八字作眉字解如此則改兒爲孫

豈不大可笑乎本擬滅此幾字恐損古書  
故凡遇俗手描寫處皆不滅其痕後之明  
眼人當自領之嘉慶己未黃丕烈識

文獻通攷稼軒詞四卷陳氏曰信州本十  
二卷視長沙爲多此元大德間所刊以卷  
數考之蓋出于信州本宋史藝文志云辛  
棄疾長短句十二卷亦卽此也嘉慶己未  
蕘圃買得於骨董肆內缺三葉出舊藏汲  
古閣抄本命予補之因拾卷中所有之字  
集而爲之所無者僅十許耳旣成遂識數  
語於後七月二十二日澗蕢書

跋

二 四印齋

光緒丁亥九月從楊鳳阿同年假元大德  
信州書院十二卷本校毛刻一過按毛本  
實出元刻特體例既別又併十二卷爲四  
爲不同耳元本所缺三葉毛皆漏刻又無  
端奪去新荷葉朝中措各一闕尤可咲者  
元本第六卷缺處醜奴兒近後半適與洞  
仙歌飛流萬壑一首相接毛豕牽連書之  
幾似醜奴兒近有三疊令人無從句讀又  
鵲橋儂壽詞長貼在兒兒額上句校者妄  
書下兒字當作孫爲顧澗蕢黃堯圃所嗤  
毛刻於此正改作兒孫是以確知其出於  
此也中間譌奪觸處皆是然亦有元本譌  
奪而毛刻是正之處顧跋謂元本奪葉用  
汲古閣抄本校補何以此本缺處又適與  
元刻相符殊不可解往年刻雙白漱玉詞  
成卽擬續刊蘇辛二集以無善本而止今  
此本旣已校正聞鳳阿家尙有宋槧眉山  
樂府倘再假我以畢此志其爲益爲何如

耶又稼軒詞向以信州十二卷者爲足本  
莫子偲經眼錄有跋萬載辛氏編刻稼軒  
全集云詞五卷校汲古閣本增多三十六  
闕按毛本雖云四卷實併十二爲四併非  
不足其間缺漏亦只校元本共少十闕不  
知辛氏所補云何增誌以俟知者先冬三  
日半塘老人記

校秣稼軒詞成率題三絕于後

曉風殘月可人憐  
婀娜新詞競筦弦  
何侶

跋

二四印齋

三郎催羯鼓  
夙醒餘穢一時捐  
層樓風雨黯傷春  
烟柳斜陽獨愴神  
多少江湖憂樂意  
湯呼青兕作詞人

信州足本銷沈久  
汲古叢編亥豕多  
今日雕鐫撥雲霧  
廬山真面問如何  
戊子初春臨桂王鵬運幼霞書於四印齋

是刻既成適同里况夔坐孝廬周儀來  
自蜀中携有萬載辛啓泰編刻稼軒  
全集其長短句四卷悉仍毛刻詩文四  
卷詞補遺一卷則云自永樂大典抄出  
補詞共三十六闕內唯洞仙歌夢葉巫相  
一闕已見元刻近又見明人李漁評點稼  
軒詞為參麻間刻本始知毛刻謬妄皆  
沿襲於此安得堯圃所云毛抄舊本一  
為讎勘也半塘再記

